

Danmarkime uvekardlune nunakardlunilo

agdlagtok : Julie Olsen

kulekutak uvavnut ingmíkôrtitagssatut isumakarfigíngíkaluardlugo áipak kavdlunâjunersok kalâliunersordlûnît. sôruname igdluínâ atoravko píssutsit tíkuásavdlugit nalerkutingíkaluarpunga, taimáitordle angajorkâvne kalâlínarne agdliartorsimagama avdláussutai ilâtigut misigissarsimaváka nalerkiúsínauvdlugit.

sujugdlermik Danmarkimut perkârama sorssungnerup kingugdliup kingunitsiángua, taimanilo píssutsit nâpertordlugit ilakutaríngne angerdlarsimavfekarpunga, mâne inûnek sungiúniásavdlugo, agdlagfingme ilíniagakalínginivne. tauvalo nunavtínut uterkigdlunga sulivfekatsiaratdlardlunga.

áiparígtut ardlaligpagssuartut uviga nunavtíne nâpísimavara. sivikitsuínarmik igdlume ningiûssutut ingerdlasimavunga nunavtíne, Danmarkimilo taimailivdlunga mána tikitdlugo ilakutarígtut inôkatigídluta.

pingârtusorivdluínarpara nunamut avdlanertamut autdlartínane ornitagssap pâsissakarfigilârnigssâ, inuiakatigît nunavdlo kanorítûnera. pâsinarpordle aitsât nunakalerdlune sût pissariakartut amerdlagaluássusê. kujanartumigdle ikíngutit ilagissatdlo nâpítalerdlugit ilimagissamik okínerussutut misiginardlune

angnertorkutaussut. inûsungneruvdlunime isumakulungnek ungasingnerugame. kitornakaleramalo túngavigisimagaluarpara nangminek mêraunivne angerdlarsimavfigtut mêrkama agdliartornigssât, isumavkúme pítsaunerusorissáka atorniartarsimagaluardlugit sôrdlo mâne agdliartornerine kavdlunât akornáne. âmalo kíkûnere mikinerinit ilisimatitdlugit, okautsivut erinarssûtivutdlo atortardlugit, kisiánile avdlanut akuliúnerulermik pínguakatik atuakaticgdlo ilagissalerdlugit, pâsinarsíput táukutut avdlaunerunatik pekataorusugtut. nalúngilaralo tamána agdligamik ajûssârutigissarât ilíniagakarnerusimánginamik. kularnángitsumingme ardlagdliit kavdlunânik áipakartut uvavtut kitornatik okautsimingnik mikinerinît atugakarтерusugkaluarait, píssutauvorme âma atualerângamik okautsit avdlanertat ilínialersarmatigik kalâtdlisûtdlo tunugdliugdlugit. tássalo kingornagut táukunúnga avdlanertatut misiginarsivdlune ilakútanut nunavtíne atássutekásagunik ajornartorsiutauvdlune. takusínauvarpúme kanok okautsit ilisimalârnere pâsisínaunerilo pingâroutekartigissut kavdlunâmik áipakalersimaníkut – akerdlianitdlo áipap pâsingnigtariakarnera pingâroutekarsorivdluinar-

para inuiakatigîgtut ingmîkôrutekara-luardluta pâsekatiġingnek pissariakartok, ârkiagîġdlune inôkatigîsagâine.

sôruname mânîlerdlune ilakútat nunnardlo erkaerkajânartakaut, kitornatdle mikinerinit, âmalume avdlame sulivfekartínane uviussup atorfekarnera píssutauvdlune, nunavtínut túngagaluartok Danmarkimîtariakarsimavunga. ningiûvdlune sâvfigssailekinángilak saniatigutdlume alikútagssat avdlatdlo ússernartorsiuvfiusínaussut amigautáungekalutik. pekatiġîġfingne ilaussortaunek, avdlatdlo sokutigissat pivfigssakarfiginiartariakardlutik. mânîlernivnilo pilersimassut arddlagdlit taisínauváka – sôrdlo radiokut kalâtdlisut tusâsínauleravta – kalâtdlinik nâlagiartunik ornigakarsínauvdluta – tamánalume píssutauvok áipamik kâmagtornekarnekk pissarsimagâine. misigissarsimángilangame ningiutut igdlume mátúsimassutut inûsimanivne. periarfigssakaráine sâġfigssat ikíngekaut uvdlutdle súkavatlárnere pissûvdlutik kajaivfigissaraluit tamarmik orningnek ajornartardlutik.

okarsínauvungame kalâtdlip Danmarkimînera âma patsisigssakardluartok, ilakútat ilisarisimassatdlo tikítarne-risigut – âmame kangânitdle atakatiġîngnerput pivdlugo sule ardlakartugut misigisimagavtigo pissariakartutut.

nunagilersimassak sungiutdlugo nuánerpok, taimáikaluartordle píngorsarfik nunavtalo avdláussutai puigortariakángitdlat. nunarput inuilo atássutekarfigiuar-tariakarput kalâliuvdlune ungasigsumîkaluaráinilûnit. avkutíme sivikitsuínarmik atûtalerput, agdlât telefoníkut atássutekardluta kanigtutut misigisimalerneruvugut. mátusimagaluaruvtame avámut sangminata iluakutáungilak, avdlanutdle inuíangnut ataguvta pekatauvduta ímaka nakôkutigisínauvarput tatigekatiġîġdluta ingerdlasínauguvta. nâmigig-taitdliornerínardle atúsaguvtigo ajorissavutdlo iluarsisínaunagit nâmagsissakarsínáungilagut igdluatungáinait uparuartordlugit písagaluaruvta.

taimáinak misigissama ilait tusardliúpâka.

Dansk gift og bosat i Danmark

af Julie Olsen

Det at skulle beskrive forskellen ved at være dansk eller grønlandsk gift forekommer mig ikke at være nogen helt nem opgave, idet jeg kun har prøvet at være dansk gift; men da begge mine forældre

er grønlandere, mener jeg, at jeg har et sammenligningsgrundlag.

Da jeg kort efter 2. verdenskrig kom til Danmark for første gang, blev jeg i overensstemmelse med datidens regler